

zorni 22 poi saranno zonte, non intendendo possano passar il mexe di Decembrio. Et fu presa: 177, 12, 8.

Fu posto, per sier Antonio Mocenigo savio ai Ordeni, revochar la parte fu presa a di 13 di questo zerecha tenir 8 galie fuora, che non si potea meter justa la parte presa a di primo Marzo passato, però restar debbi *solum* 6 galie questa invernata, *ut in parte*, computà le bastarde, il resto il Provedador mandì a disarmar, havendo *etiam* fato disarmar le galie candiote. Et fato lezer la mità di la parte di primo Marzo predito.

Poi sier Andrea Griti procurator savio dil Consejo, andò in renga et parlò per la soa parte, che è: a di 13 di questo prese di far restar 8 galie, do di le qual sotil si mandì in Cypro a custodia di quella ixola, laudando tal deliberation etc. Et fe' lezer una letera di Cataro dil Provedador di l'armada. Scrive, manderà do galie in Cipro in loco di le candiote è de li. Et rispose sier Antonio Mocenigo savio ai Ordeni, dicendo la causa di aver suspeso la parte fu presa, per esser contra la deliberation fu fata a di primo Marzo passato, scusandosi averla fata per esser il più zovene del Colegio contro l'opinion del clarissimo Griti, e che non era di tenir l'invernata galie in Cipro, è spesa butada via; con altre parole, persuadendo qualche altro di questo Consejo voy vegnir ad ajutarlo, perchè si cognosse non esser bastante; e con tal parole vene zoso.

Et sier Andrea Griti procurator e sier Polo Capello cavalier, savii dil Consejo, messeno star sul preso, *videlicet* tenir 8 galie fuora armate in questa terra, do de le qual siano mandate in Cipro. Et fece lezer una letera dil rezimento di Cipro, di 15 Lujo, per la qual avisa li danni fati per roditi in quelli mari, et dimanda una galia bastarda con artellarie.

Et lo Marin Sanudo, è di la Zonta, *licet* eri in Gran Consejo fussi maltratato, et per miei meriti fato cazer di Pregadi, mi parse andar suso et parlai benissimo contra l'opinion dil Capello e Griti, cargando *dextro modo* il resto di Savii in tanta materia
393 che era il desregolar di l'ordine cussi excelente preso questo Marzo di lo armar, si rompeva la fede che è stà data a galioti, quali come intenderano tal nova mai più crederà, e dove si arma le galie con pocho, non si troverà di armar come si trovava prima. Et fo per il Consejo di X e per questo Consejo trovà li danari per tenir fuora *de catero*, comenzando questa invernata, 6 galie e non 8 come vol questi do padri, perchè tenendo 8, li denari trovadi non basta, e mi meravejava dil clarissimo Griti, qual era eleto

capitano zeneral di mar, e fusse quello disordinasse l'armar preso, poichè lui solo non potea meter la parte, et però li Avogadori non dovea soportar, perchè, volendo alterar quel ordine preso, bisognava fusse posta la parte per i Consieri, Cai di XL e Savi, e aver 120 balote in questo Consejo, e non che sia in libertà di cadaun dil Colegio di romper l'ordine. E feci lezer la parte di primo Marzo in fine, che mete tal stretture, dicendo, ozi do volte è stà tolto licentia di poter proveder a l'orator da esser electo in Franza e a slongar muda a le galie di Alexandria, perchè le leze è contrarie, e se dia observar le, leze; dicendo molte parole a proposito, exagerando la materia, laudando il Mocenigo che solo sia tornà a questo Consejo. Poi dissi che non bisognava tenir 8 galie, zoè mandar do in Cypro, perchè prima in Cypro non è si non il porto di Famagosta da tenir galie, e Cerines che è tristo porto, e Baffo ch'è porto per nave; e che la lectura di questa letera di Cipri mi ha fato venir qui suso, perchè li 15 Lujo e a quel tempo erano do galie in Candia candiote, *tamen* seguì li danni si ha inteso: questo dico perchè le galie d'inverno non pol star in mar, poi corsari non è d'inverno fuora. *Demum* Cipro dimanda una galia bastarda et nui mandemo do sotil; *demum* questa deliberation, avanti vadi a Corfù dal Provedador starà forsi do mexi per li tempi contrarii, e avanti vadi le galie di Cipro si starà do altri mexi, e passerà nel cuor de l'inverno per il Golpho di Satalia con pericolo di rompersi; poi zonte in Cipro non starano do mexi d'inverno, poi per non far nulla, *solum* per condur biave di Cipro in Soria; et Mi dubito questa parte sia messa a requisitione di tenir qualche galia fuora 393 di le vechie, le qual è mal in ordine, come è stà dito per il Mocenigo; ma volendo il Colegio tenir in Cipro do galie, che forsi questa opinion è da disputarla ben, perchè tenendo galie in Cipro, seguirà che turchi che navega per quelli mari el Signor scriverà si vardi di corsari, e seguirà li danni, e si dolerà di la Signoria, e Dio voglia non siegua quello seguite in Candia di la nave turchescha capitò a l'ixola e poi li turchi fo presi, et quelli seaporono si dolseno al Signor dil rezimento di Candia. Però è bon l'inverno non tenir galie in Cipro, qual è di spesa ducati 450 al mese per galia senza alcun fruto; ma volendo tenir l'instate, si scrivi in Candia armi il Fevrer do galie e le mandino de li. Concludendo si fazi provisione di danari volendo passar il numero di tenir 6 galie. Poi dissi poche parole in mia excusation: che questo montar spesso su queste renge mi feva danno, perchè me incitava inimicitia contra di chi parlava, ta-